



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

14. Forma vxori, castitatis caussâ, ablata. & mariti caussâ restituta.

urn:nbn:de:hbz:466:1-45686

XIV.

Thom. Can-
tipr. lib. 2.
Apuin. c. 30.
§. 29.

Ad nexum hunc conseruandum, etiam miracula Dei ostendit. Nam fuit vxor, quae, ne alijs, quam marito, placet, precibus impetravit deformitatem; rursusque, ne marito displiceret, diuersis precibus, pristinum nitorem veterisq; formæ gratiam recuperavit. Erat, in Suevia, nobilis mulier, vultu lucido, & oculos trahente; itaque gratijs omnibus pleno, vt, inter omnes patriæ suæ feminas, longè pulcherrima haberetur. Tantæ venustatis fama multos ciebat spectatores. Multi igitur genere nobiles, & opibus potentes ad eam vndiq; confluabant, visuri vnde vulnerarentur. Quod prudentem feminam non lauit; sed quia pietatis ac honestatis erat amanuissima, ideo vehementer animo affligebatur, ne vel alijs ruinæ occasionem præberet, vel ipsa periclitaretur. Quippe magnocum periculo custoditur, quod multis placet. Habebat domi secretum ab alijs sacrarium. In illud igitur ingressa, vt aduenarumq; conspectui subduceret, cecidit in genua, vtque oratio diuinæ aures tanto citius molliret, etiam lachrymæ ex oculis illius cederunt. Calidè itaque fleas: *Vide o mihi, inquit, Christe Iesu, ex carne, qua induisti me, periculum imminere.* Fortiter quidem animum meum fixisti. Sed quis suæ fortitudini fidat, si David, si Salomon, si exercitatissimi athletæ prostrati sunt? Et quamquam ipsa nulla tangar vanitate; tamen flamas sero, & cupidinis ignem alijs injicio. *Rogo igitur te, misericordissime Pater,* O Domine, ut speciem meam in tantam fœditatem commutes, ut carnis misera turpitudo in horrore potior, quam pulchritudo fuerit in honore. Dixit, & habuit, quod petivit. Exemplo enim nivea frons & roseæ genæ colorem perdiderunt, statimq; gratus ille vultus lepra fœdissima contabuit. Eruperunt vndique turpes pustulæ. Contraxit cutem squamosa scabies. Oculi, qui prius, instar stellarum lucebant, suffuso sanguine, tumuerunt. Nasus gibbosa deformitate contortus est. Os ipsum denique, modestissimis labris compressum antea, nunc morbo laceratum, detestabili rictu hiauit. Dixisset catharma esse, & larvam Auernalem. Maritus sanè illius, ob faciem à facie consuetam alienam, vxorem in ipsa vxore quæsivit. Egradienti enim ex oratorio occurrentis, ex solo vestium indicio conjecturam faciens,

dens, quæsivit: Num ipsa, an potius spectrum aliquid esset?
 Respondente autem illa, se esse illius vxorem, cohorruit, vocataque ad tam triste spectaculum vniuersa familia, clamor & planctus, in tota domo, est exauditus admirantium & interrogantium, quidnam tam subito domainæ accidisset, aut quis ex Charitum quarta quartam fecisset Furiarum? Nec mansit admiratio in illa domo. Manauit rumor ad vicinos, volauit fama ad remotos. Contristati sunt parentes, miserati amici, turbati omnes. Pro se quisque, ut sit, remedium suggerit formæ veteris reducendæ. Citatur & medicus: sed pronunciat, manifestariam esse lepram; curari non posse; metu contagij, extrahominum consortium relegandam. Non satis igitur fuit, ut amitteret gloriam venustatis, etiam domo propria eliminata, & in desertæ cuiusdam casæ angulum est ire iussa. Ibi nimis tuto loco, contra procorum insidias futura. Audiit hoc factum, quidam è D. Dominici familia sacerdos, qui illi à sacris Confessionibus erat. Hic, ut afflictissimam consolaretur, protinus ad illam accurrit: sed longè aliter, quam metuebat, afflant reperit. Neque enim illa ex casu mœsta fuit, sed, quasi magno beneficio donata, exultauit, Deoque se gratias debere dixit. Tanto maiorem in admirationem raptus sacerdos, tam monstrificæ admirationis, atque inopinati morbi caussam quæsivit. Quam ut intellexit, bona quidem mente ac simplicitate ortam, sed in præiudicium matrimonij adhibitam dixit. Quare velut iratus, his eam verbis compellauit. *O miserrima & fulfiflum mulierum, quo in contumeliam & periculum viri tui opus.*
Dei in te precum instantia destruxisti, Parentesq; & amicos tuos,
qui Deum laudaverunt, & venerati sunt in te, ad blasphemandum.
nunc per tale infortunium coegeristi. Age nunc charissima, insisse pre-
cibus ad contrarium gesta rei diuinam misericordiam interrella. Haec
monuit, & discessit. Illo digresso, pia mulier in lachrymas ef-
fusa Deum eiusmodi verbis est allocuta: Domine Pater & Do-
minator vita mea, ut liberiore mente, & puriore spiritu seruire tibi,
hoc in me flagellum lepre. à tua bonitate fidis precibus expetivi. Sed
quia audio à Patre meo spirituali, cui me tota denotione commisi, con-
tra saltem meam, hoc à te omnium Domino petuisse, rogo te, per

*tuam benignissimam charitatem, vt in me tuum plasmarestitus,
secundum quod tua placuit optime voluntati. Quam verè Proph.*

Psal. 144. 19.

*ta dixit: Voluntatem timentium se faciet? Vix in hunc modum
precata est, & iam annuit illi Deus. Quam citò enim prius ei
formosa facta fuerat deformis, tam citò deformatum iterum
depositus, quasi penes ipsam esset, vultum coloremq; mutare.
Claruit enim cutis, rubuerunt genæ, frons pristinum cando-
rem recepit; neque ullum in tota facie vestigium macula re-
mansit. Restituta sibi, ingenti gaudio, à marito excepta eis;
haud aliter quam si è tumulo rediuiua domum redisset. Fuit
eo die, familiæ triuraphale festum; quod de domo in domum,
atque de vicinia in viciniam est propagatum, fama volante.
Gratulabantur amici, gestiebant cognati, patria applaudebat:
omnes inclytam Christi pietatem laudauerunt, qui prodigo
effecit, ne matrimonium aut illecebrâ violaretur, aut à manu
vxor, ob morbum, separaretur. Quanquam & illud, in restau-
rato hoc coniugio, est sive ænigma, sive sacramentum, quod
Christus & ipse sive animam, sive Ecclesiam, tanquam spon-
sam, mundam esse velit; Sicut Ecclesia subiecta est Christo, ita &
mulieres viris suis in omnibus. Ob quam rem meritò Apostolus
ait: *Viri, diligitis uxores vestras, sicut & Christus dilexit Ecclesiam,*
*& seipsum tradidit pro ea, vt illam sanctificaret, mundans lanac-
aque in verbo vita, vt exhiberet ipse sibi gloriosam Ecclesiam, non ha-
bentem maculam, aut rugam, aut aliquid huiusmodi, sed ut sit san-
cta & immaculata. Ita & viri debent diligere uxores suas, ut cor-
pora sua.**

Ephes. 5.24.

XV.

Quo loco multa à coniugibus ad Christum & Ecclesiam;
atque hinc rursus ad coniuges trahuntur. 1. Quemadmodum
viri volunt uxores habere non fecidas, non leprofas, sed imma-
culatas; ita Christus vult habere Ecclesiam macula aut ruga ca-
rentem. 2. Sicut Christus dilexit Ecclesiam, & seipsum tradidit
pro ea, vt illam sanctificaret, mundans lanacrum, in verbo vita, seu
per sacram & viuificam verborum baptisimi formam; ita & ma-
riti debent, sua sancta conuersatione, uxores ab omni levitate,
dicacitate, superbia alijsque muliebribus vitijs, emundare, ve-
lant sine macula. 3. Ne quis autem nimium, in hac vita, exigi-
pueret,